

Das nun Herr Johan von Münster für-
 gibt/ D. Lutherus habe sich mit Bucero vnd
 den Schweikern ganz vnd gar verglichen
 vnd vereiniget: Ist solches ein lauterer vn-
 grund / vnd kan das widerspiel aus des La-
 vateri Histori (der doch selbst ein Schweik-
 ker vnd Zwinglisch gewesen) vberzeugt wer-
 den / inmassen bis hieher lauter gnug erwie-
 sen ist. Das aber dennoch Lutherus so viel
 guts in dieser Religionsfachen / sich zu den
 Schweizerischen Stäten versehen/das auch
 die Schweizer dafür gehalten/ihr Meinung
 vnd Glaub were dem Herrn Luthero nicht zu
 wider/Dieses ist daher geflossen/Das Buce-
 rus vnd Capito den Herrn Luthero münd-
 lich/vnd schriftlich / durch andere personen/
 berichtet haben / es erkendten der besser vnd
 grösser theil der Schweizer ihren irrthumb/
 vnd hieltens mit dem Luthero/ dagegen ha-
 ben sie / die Schweizer zu vberreden vnter-
 standen / die Lehr (welche sie ihnen mit der
 Formula Concordiæ brächten/vnd erklären
 wolten)were des Decolampadij vnd Zwin-
 glij Lehr nicht zu wider. Darumb weil der
 gemacht Anfang zur Concordi auff solcher
 vbelgegründten vnterhandlung / vnd allzu-
 miltem Bericht gestanden/ist es nicht wun-
 der / das solche vermeinte vnd angefangene
 Con-